

**BOSNA I HERCEGOVINA  
FEDERACIJA BiH  
KANTON SARAJEVO  
SKUPŠTINA KANTONA SARAJEVO**

n/r:

- **Vlada KS, Premijer g.din Elmedin Konaković**
- **Ministarstvo za rad, socijalnu politiku, raseljena lica i izbjeglice, ministrica g.đa Amela Dautbegović**

**PREDMET: INICIJATIVA**

Molim Vladu Kantona Sarajevo, da putem nadležnog ministarstva, razmotri odredbe Zakona o socijalnoj zaštiti, zaštiti civilnih žrtava rata i zaštiti porodica sa djecom („Službene novine Kantona Sarajevo“ br. 38/14-prečišćeni tekst, 38/16) koje se odnose na dodatak na djecu, naročito članove od 132. do 136., zauzme stav da li je neophodno od kategorije porodica sa djecom iz člana 136. navedenog zakona, zahtijevati dostavljanje dokaza koji se tiču zadovoljavanja cenzusa, a naročito dokaza u vezi sa posjedovanjem automobila i statusa istog. Molim nadležno Ministarstvo da na osnovu zauzetog stava, na pogodan način i blagovremeno, da uputu nadležnim općinskim službama kako da postupe u ovakvim slučajevima.

**Obrazloženje:**

Zakonom o socijalnoj zaštiti, zaštiti civilnih žrtava rata i zaštiti porodica sa djecom („Službene novine Kantona Sarajevo“ br. 38/14-prečišćeni tekst, 38/16) regulisan je dodatak na djecu ( poglavlje VI ).

Član 135. glasi: „Dječiji dodatak ne mogu ostvariti porodice u kojima je jedan od članova zajedničkog domaćinstva vlasnik preduzeća ili samostalne radnje ili ima registriranu dopunsku djelatnost, vlasnik je ili posjednik motornog vozila, osim ako su u pitanju osobe sa invaliditetom koje po propisima iz oblasti poreske i carinske politike mogu uvesti ili na domaćem tržištu kupiti motorno vozilo kao ortopedsko pomagalo.“

Član 136. glasi: „Pravo na dječiji dodatak bez obzira na imovinski cenzus pripada djetetu bez jednog ili oba roditelja, te porodici:

- u kojoj jedan roditelj ima utvrđen invaliditet od najmanje 90%,
- koja ima dijete ometeno u fizičkom ili psihičkom razvoju, što se dokazuje pravosnažnim rješenjem donijetim u skladu sa Pravilnikom o utvrđivanju preostale sposobnosti i razvrstavanju djece i omladine ometene u psiho-fizičkom razvoju,
- koja ima dijete oboljelo od karcinoma, šećerne bolesti, leukemije, TBC i celijakije,

- čiji je jedan od roditelja korisnik stalne novčane pomoći.

Djeci i porodici iz prethodnog stava pripada dječiji dodatak u iznosu iz člana 133. ovog zakona, uvećan za 50%.“

Nadležne općinske sužbe u Kantonu za djecu i porodice obuhvaćene članom 136. traže dokaz o neposjedovanju motornog vozila ili ovjerenu izjavu da dijete navedeno vozilo koristi kao ortopedski dodatak. U mjesecu aprilu 2017. godine, Ministarstvo za rad, socijalnu politiku, raseljena lica i izbeglice je dana 17.04.2017. godine uputilo svim Općinama u Kantonu Sarajevo Mišljenje br: 13-01/2-35-15883/17 a koje se tiče dječijeg dodatka. U navedenom mišljenju između ostalog stoji: „Ministarstvo za rad, socijalnu politiku, raseljena lica i izbjeglice Kantona Sarajevo je mišljenja da ukoliko porodica želi ostvariti dječiji dodatak, a jedan od članova zajedničkog domaćinstva je vlasnik ili posjednik motornog vozila, isti je dužan dostaviti dokaz da je vozilo uvezeno ili kupljeno kao ortopedsko pomagalo ili drugo pomagalo, u skladu sa propisima iz oblasti poreske i carinske politike.“ Pri tome se nije odredilo da li djeci i porodicama iz člana 136. pripada pravo na dječiji doplatka bez obzira na imovinski cenzus, odnosno, da li u ovom slučaju treba uzeti u obzir činjenicu da li jedan od roditelja posjeduje ili ne posjeduje motorno vozilo.

Molim Vladu KS i nadležno Ministarstvo, da na narednoj redovnoj sjednici Skupštine Kantona Sarajevo da informaciju o zauzetom stavu i eventualnim aktivnostima u vezi sa navedenim problemom.

Sarajevo, 02. 10. 2017. godine

Zastupnik ~~SDA~~ U SKS

ELDAR ČOMOR